

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**KANTONALNI ZAVOD ZA**  
**PRUŽANJE PRAVNE POMOĆI**  
Broj: 1611-Sy-028280-1-17  
Tuzla, 14.11.2017.godine

Na osnovu člana 60. stav 3. a u vezi sa članovima 56. i 57. Zakona o organizaciji organa uprave u Federaciji Bosne i Hercegovine («Službene novine Federacije BiH», broj: 35/05), člana 34. Zakona o radu („Službene novine Federacije Bosne i Hercegovine“, broj: 26/16) i člana 22. stav 1. i člana 10. stav 3. Zakona o državnoj službi u Tuzlanskom kantonu («Službene novine Tuzlanskog kantona»; broj: 7/17 i 10/17), a u vezi sa Odlukom o prijemu pripravnika – volontera, broj: 02/1-34-16622-2/17, koju je donijela Vlada Tuzlanskog kantona na sjednici održanoj 01.08.2017.godine, raspisuje se:

**JAVNI OGLAS**  
**za prijem pripravnika - volontera u Kantonalni zavod za pružanje pravne pomoći**

**I**

Raspisuje se oglas za prijem 2 (dva) diplomirana pravnika u svojstvu pripravnika – volontera (u daljem tekstu: pripravnik – volonter) za potrebe Kantonalnog zavoda za pružanje pravne pomoći, na period do 2 (dvije) godine, bez zasnivanja radnog odnosa, a radi stručnog osposobljavanja za samostalan rad na poslovima iz svoje struke i sticanja potrebnog radnog iskustva.

**II**

Volonter nema pravo na naknadu za svoj rad.

Međusobna prava i obaveze između pripravnika – volontera i direktora Kantonalnog zavoda za pružanje pravne pomoći uređuju se ugovorom.

Po završetku stručnog osposobljavanja direktor Kantonalnog zavoda za pružanje pravne pomoći će pripravniku – volonteru izdati potvrdu/uvjerenje o obavljenom stručnom osposobljavanju.

Nakon proteka stručnog osposobljavanja Kantonalni zavod za pružanje pravne pomoći se ne obavezuje zadržati pripravnika - volontera u stalnom radnom odnosu.

**III**

Svi kandidati treba da ispunjavaju opće uslove za rad u organima uprave i to:

- da je državljanin Bosne i Hercegovine,
- da je stariji od 18 godina,
- da ima opću zdravstvenu sposobnost.

**IV**

Pored općih uslova, kandidati trebaju da ispunjavaju i poseban uslov i to:

- da je diplomirani pravnik, Visoke stručne spreme - VII stepen ili da ima visoko obrazovanje prvog, drugog ili trećeg ciklusa Bolonjskog sistema studiranja - pravne struke koji je vrednovan sa najmanje 240 ECTS bodova.

## V

Uz prijavu je potrebno priložiti, u originalu ili ovjerenoj fotokopiji sljedeće dokaze:

- diplomu o završenom fakultetu.
- fotokopiju lične karte ili potvrdu o prebivalištu.
- prosjek ocjena završenog studija (uvjerenje od fakulteta).
- dokaz o dužini trajanja nezaposlenosti (uvjerenje nadležne Službe za zapošljavanje),
- dokaz o sudjelovanju jednog ili oba roditelja u odbrambenom ratu (uvjerenje nadležnog organa).

Kandidati koji budu izabrani za pripravnike - volontere, uvjerenje o zdravstvenoj sposobnosti moraju dostaviti direktoru Kantonalnog zavoda za pružanje pravne pomoći u koji se prima na stručno osposobljavanje, najkasnije do zaključivanja Ugovora o stručnom osposobljavanju.

## VI

Odabir kandidata za stručno osposobljavanje vršit će se na osnovu kriterija dužine trajanja nezaposlenosti nakon završenog fakulteta i prosjeka ocjena završenog studija.

U slučaju da kandidati imaju isti broj bodova, prednost imaju članovi porodice šehida, poginulih, umrlih i nestalih branilaca, ratnih vojnih invalida, dobitnika ratnih priznanja i odlikovanja i demobilisanih boraca, u skladu sa odredbama Zakona o dopunskim pravima branilaca i članova njihovih porodica („Službene novine Tuzlanskog kantona“, br. 5/12 i 5/14).

## VII

Prijave sa navedenom dokumentacijom kojom se dokazuje da kandidat ispunjava opće i posebne uslove dostavljaju se Kantonalnom zavodu za pružanje pravne pomoći, ul. Džafer mahala broj 51, 75000 Tuzla, putem pošte ili lično u prijemnoj kancelariji organa, u zatvorenoj koverti, sa naznakom „za Javni oglas za prijem pripravnika – volontera u Kantonalnom zavodu za pružanje pravne pomoći – ne otvarati“, u roku od 15 dana od dana objavljivanja oglasa u dnevnom listu „Oslobođenje“.


Javni oglas će biti objavljen u dnevnom listu „Oslobođenje“ i na web stranici Vlade Tuzlanskog kantona.

Nepotpune i neblagovremene prijave neće biti uzete u razmatranje.

O rezultatima Javnog oglasa kandidati će biti pismeno obaviješteni.

Dostaviti:

- Dnevnom listu „Oslobođenje“
- Uredu za zajedničke poslove kantonalnih organa Tuzlanskog kantona
- Evidencija
- Arhiva



**DIREKTORICA**

**Mersija Jašarević, dipl. pravnik**